

Aningaasarsianit akileraarutit pillugit Inatsisartut inatsisaata allannguutissaatut Inatsisartut inatsisaat

§ 1

Aningaasarsianit akileraarutit pillugit Inatsisartut inatsisaanni nr. 5-imi 19. maj 1979-imeersumi, kingullermik Inatsisartut inatsisaatigut nr. 10, 17. oktober 1988-imeersutigut allanngortinneqarsimasumi makku allannguutigittinneqarput:

1. § 17-imi imm. 1-ip kingornagut immikkoortutut nutaatut ivertinneqassaaq:

"Imm. 2. Soraarnerussutisiatigut aaqqissuussinernut akilersuutinit, imm. 1, nr. 4-imi, oqaaseqatigiinni siullerni aappaannilu taaneqartunit, ilanngaatineqarsinnaasut tassaapput piffissamut soraarnerussutisiatigut aaqqissuussinerup sivilissusianut naapertuuttut, soorluttaaq ukiup aningaasarsiorfiup ilaani akilersuiffiusumi ilanngaatineqarsinnaasut piffissami tassani akissarsiat tamarmiusut 15 procent-iannit annertunerusinnaanngitsut."

2. § 21-imi imm. 2-p kingornagut immikkoortutut nutaatut ivertinneqassapput:

"Imm. 3. Akiitsoqarfiit akiligassat ilaannik isumakkeerinerisigut, akiligassat isumakkeerneqarnerisigut, akiligassat nungutinneqarnerisigut assigisaattulluunniit akiligassat isumakkeerneqartut tamarmik imm. 1 naapertorlugu amigartoorutinit ukiunut tulliuuttunut ingerlateqqinneqarsinnaasun.it ilanngaatineqassapput, aningaasat isumakkeerneqartut akileraaruteqaataasussaangippata.

Imm. 4. Selskabit § 1, imm. 1, nr. 3-mi taaneqartut amigartoorutaat imm. 1 naapertorlugu ukiunut tulliuuttunut ingerlateqqinneqarsinnaanngillat, piginnittut annertuumik allannguuteqarpata, piginneqatigiit ataasiakkaat aktietaat taasisinnaaneralluunniit annertuumik allannguuteqarpat, imaluunniit selskabip ingerlatsinera piffissamut amigartooruteqarfimmut sanilliullugu annertuumik allannguuteqarpat.

Imm. 5. Naalakkersuisut imaluunniit naalakkersuisut tamatumunnga piginnaatitaat immikkut ittunik pissutissaqartillugu imm. 4-mi aalajangersakkamik tamakkiisumik ilaannakortumilluunniit immikkut akuersissuteqarsinnaapput.

Imm. 6. Ukiumi aningaasarsiorfimmi amigartoorutit imm. 1-imi taaneqartutut ukiuni tallimani tulliuuttuni atorneqarsinnaanngippata skatterådip akuersissutigisinnaavaa, tamatumunngalu immikkut piumasaqaatinik aalajangersaasinnaalluni, amigartoorutit atorneqanngitsut taamaattut aningaasarsianit akileraaruteqaataasussanit ukiuni aningaasarsiorfinni tallimani siulianeersuni ilanngaatineqarsinnaasut. Piffissap taassuma iluani ilanngaat taamaattoq taamaallaat ukiumut aningaasarsiorfimmut siusinnerusumut nuunneqarsinnaavoq aningaasarsianut akileraaruteqaataasussanut ukiumi kingusinnerusumi atorneqarsinnaanngippat. Oqaaseqatigiinni siullerni aappaannilu taaneqartut atuupputtaaq akileraartartup uppersarsarsinnaappagu amigartoorutit imm. 1-imi maleruagassat naapertorlugit atorneqarsinnaanngitsut. Imm. 2-miit 5-imut piumasaasut atuupputtaaq amigartoorutit

ukiunut aningaasarsiorfinnut siuliinut nuunneqartillugit. Annertunaarlugit akileraarutitut akiliutit utertinneqarneranni ajunngitsorsiassaqaartinneqassanngillat erniaqaartinneqassanatillu, takukkit §§-it 63 aamma 65.

Imm. 7. Imm. 3-miit 6-imut aalajangersakkat atuupputtaaq selskabinut il.il., § 1, imm. 1, nr. 4-miit 11-imut taaneqartunut."

3. § 82-imi imm. 5-ip kingornagut immikkoortutut nutaatut ivertinneqassaaq:

"Imm. 6. Ingerlatsiviit landskassemitt pigineqartut, aktie- imaluunniit anpartsselskabinngortinneqarsimasut aningaasarsiaannit akileraarutit, tamatumunnga ilaallutik iluanaarutisian.it akileraarutit, landskassemut nakkartassapput. Aningaasarsianit iluanaarutisianillu akileraarutinit erniat tapiutillu §§-ini 65-imi 68-imilu taaneqartut landskassemut nakkartarlutillu landskassemitt akilernerneqartassapput."

4. § 97-imi, imm. 1, nr. 2-mi aamma 4-mi kiisalu *imm. 2-mi* ima allassimasooq "§ 17, nr. 4-imi" ima allanngortinneqassaaq:

"§ 17, imm. 1, nr. 4-mi".

5. § 114-imi imm. 5-ip kingornagut immikkoortutut nutaatut ivertinneqassapput:

"Imm. 6. Imm. 2-mi toqqarneqarsinnaanermut piumasaqaatit saniatigut kommissionip akileraarusiisartup aalajangissavaa, ilaasortap taassumalluunniit sinniisussaata malittarisassanik makkunannga unioqqutitsinini pissutigalugit piffissami qinigaaffimmi ilaasortaasinnaajunnaarsimanersooq:

1) nammineerluni nalunaarsuiffimmik piffissaagallartillugu nassiussisimanngitsooq, tamatumani ilaallutik ingerlatsinermit naatsorsuutit, takuuk § 54,

2) akileraarutinit B-nik akileraarutinullu akiligassaasinnaasunik piffissaagallartillugu akiliisimanngitsooq, takukkit § 44, imm. 3 aamma § 62, imm. 3,

3) akileraarutinit A-nik unerartitsisussaananermik sumiginnaasimasooq, nassuiaatinik sukumiisunik piffissaagallartillugu nassiussisimanngitsooq aammalu akileraarutinit A-nik unerartitanik piffissaagallartillugu akiliisimanngitsooq.

Imm. 7. Kommissionip akileraarusiisartup imm. 6 naapertorlugu aalajangiinera sap. akunneri sisamat qaangiutsinnagit skatterådimut ingerlateqqinneqarsinnaavoq, soorluttaaq skatterådip nammineerluni imm. 6 naapertorlugu toqqarneqarsinnaanermut suliasat aalajangiivigisinnaagai."

6. § 115-imi imm. 7-ip kingornagut immikkoortutut nutaatut ivertinneqassaaq:

"Imm. 8. Immikkoortoq 2-mi toqqarneqarsinnaanermut piumasaqaatit saniatigut skatterådip aalajangissavaa ilaasortaq malittarisassanik makkunannga unioqqutitsinini pissutigalugit piffissami qinigaaffimmi ilaasortaasinnaajunnaarsimanersooq:

1) nammineerluni nalunaarsuiffimmik piffissaagallartillugu nassiussisimanngitsooq, tamatumani ilaallutik ingerlatsinermit naatsorsuutit, takuuk § 54,

2) akileraarutinit B-nik akileraarutinullu akiligassaasinnaasunik piffissaagallartillugu akiliisimanngitsooq, takukkit § 44, imm. 3 aamma § 63, imm. 3,

3) akileraarutinit A-nik unerartitsisussaananermik sumiginnaasooq, nassuiaatinik sukumiisunik piffissaagallartillugu nassiussisimanngitsooq aammalu akileraarutinit A-nik unerartitanik piffissaagallartillugu akiliisimanngitsooq."

§ 2

Imm. 1. Inatsisartut inatsisaat atuutilissaaq 1. juni 1990-imiit.

Imm. 2. § 1-imi, nr. 1, 2 aamma 3-mi aalajangersakkat ukioq aningaasarsiorfiusooq 1990 aallarnerfigalugu

atuutilerput.

Namminersornerullutik Oqartussat, 17. maj 1990.

Moses Olsen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut